

SCRIPTA

Numéro Scripta : 954

Auteur(s) : Alexandre III [pape]

Bénéficiaire(s) : Henri II, Bayeux (évêque)

Genre d'acte : bulle

Authenticité : non suspect

Datation : 1175, 4 mai

Lieu d'émission : Ferentino

Action juridique : autre

Langue du texte : latin

Analyse

Sur une plainte de l'archidiacre Guillaume, le pape Alexandre III écrit à l'évêque de Bayeux au sujet de la juridiction ecclésiastique.

Tableau de la tradition

Éditions principales

- a. Bourrienne Valentin (Abbé), *Antiquus cartularius ecclesiae Baiocensis (Livre noir)*, Rouen-Paris, Lestringant-Picard (Société de l'histoire de Normandie), 1902-1903, 2 vol., n° CLXIII, t. 1, p. 204-205.
- b. Ramackers Johannes, *Papsturkunden in Frankreich*, Neue Folge 2 Normandie, Göttingen, Vandenhoeck & Ruprecht (Abhandlungen der Gesellschaft der Wissenschaften zu Göttingen. Philologisch-historische Klasse, 21), 1937, 2 vol., n° 139, p. 234.

Dissertation critique

Datation proposée par V. Bourrienne et J. Ramackers.

Texte établi d'après a

Alexander, episcopus, servus servorum Dei, venerabili fratri, Baiocensi episcopo, salutem et apostolicam benedictionem. Audita querela dilecti filii nostri Willelmi, archidiaconi tui, quod quidem laici in archidiaconatu suo ecclesiastica et episcopalia jura sibi usurpant, et clericos coram se, et laicos etiam, super his, quæ ad ecclesiasticam justiciam spectant, trahunt in causam, eos a tantæ præsumptionis excessu abstinere monuimus, ipsis auctoritate apostolica sub interminatione anathematis prohibentes, ne quis eorum de his se intromittere aliqua ratione præsumat. Quoniam igitur, ad compescendam violentiam laicorum, non debes negligens vel remissus existere, fraternitati tuae per apostolica scripta præcipiendo mandamus, quatinus si qui laici ecclesiastica vel episcopalia jura usurpare præsumperint, aut clericos coram se, vel laicos, de his quæ ad justiciam ecclesiasticam spectant, in causam traxerint, eos a suæ præsumptionis audatia, contradictione et appellatione cessante, per excommunicationis et interdicti sententiam non differas cohercere. Data Ferentini, quarto nonas madii.